

brevi pubescente ramulis divaricatis apice plerumque 3-partitis inferne bracteatis densifloris, floribus 6-10-, plerumque 8-meris, calycis villosiusculi laciniis late lanceolatis obtusiusculis minutis, petalis anguste lanceolatis acutissimis extus puberulis pallide luteis extus viridi-carinatis stellatim expansis calycem multo superantibus, staminibus brevibus (calycis longitudinem vix superantibus), filamentis e viridi albis, antheris luteis demum brunnescentibus, glandulis nectariferis valde conspicuis (ad 2''' longis; quam stamina paulo brevioribus) filiformibus, apice incrassato integris, albidis, apicem versus candidioribus ovariiis rectis extus levissime curvatis glabris intus pilosis, margine obsolete ciliatis viridibus subdimidio brevioribus, seminibus luteofuscis elongato-cordiformibus vix striolatis.

HAB. ad oram septentrionalem Nivariae nec non ad convallium ostia inde a Buenavista et ab urbis Icod portu ad Barranco de Chamorgo usque Orientem Boreamque versus protensum. — S. Juan de la Rambla in rupibus littoreis basalticis los Callados. — In clivo septentrionali vallis la Goleta. — Bajamar. — Barranco de la Punta del Hidalgo. — Taganana in ipso pago.

Floret m. Julio et Augusto.

5. Ae. Castello-Paivae, C. Bolle.

„Melosilla.“ Canariensium.

Fruticulosum, 1-4 pedale, e basi fere ramosissimum glaucum, ramis gracilibus (veteribus rimoso-decorticantibus) e cinereo-fuscis, foliorum cicatricibus anguste linearibus parce notatis, rosulis laxis, foliis ovato-spathulatis basi breviter attenuatis teneris glaberrimis pruinosis sub lente subtilissime albo-papillosis glabris vel ciliolatis superioribus acuminatis brevissime mucronulatis, caule florifero longe exserto laxo foliato, corymbo terminali multifloro, racemis elongatis basi foliatis bracteatis, calyce petalis staminibus ovariiis velutinis, floribus 6-8-meris breviter pedicellatis secundis, alabastris conice clausis, calycis saturate viridis laciniis acutiusculis, petalis linearibus elongatis apice attenuato subreflexis parum carinatis subcampanulatis calyce triplo vel quadruplo longioribus ex albido virentibus, staminibus petalis dimidio brevioribus, filamentis niveis antheris, sordide albis, squamis nectariferis quadratis integerrimis minutis candidis, ovariiis staminibus paulo brevioribus.

HAB. in Gomeræ vallibus Hermigua et Val-Hermoso nec non abunde prope Agulo in vineis ad saxa murosque.

Nomen accepit in honorem Cl. Ill. liberi Baronis Castello de Paiva, Lusitani, rei herbariae amantissimi qui nuperrime plantarum gratia insulas Fortunatas necnon Maderam et raro visam Portum-Sanctum peragravit. — Ae. Castello-Paivae e Gomera in hortum Regium botanicum Berolinensem a me 1856 vivum introductum quotannis m. Julio et Augusto ibi floruit.

6. Ae. decorum, Webb. in Bourg. Pl. canar. No. 141 (nomen sine descriptione.)

Fruticulus valde ramosus, trunco cinerascete rugoso parallelogrammis contiguus notato, ramorum cortice papilloso-rugoso, ramis ipsis cum trunco saepe radicibus aëreis densis quasi barbatis, foliorum cicatricibus in ramulis angustis oblongis rufo- vel viridi-brunneis inconspicuis, foliorum glaberrimorum rosulis per siccitatis tempus arcte clausis subconicis, foliis succulentis sessilibus lanceolatis basi attenuata subgibbosis acuminatis mucronulatis apice subdeflexis planiusculis lucide viridibus roseo cinctis subtus pallidioribus et carina lata rosea notatis margine plus minus ciliatis glabris, caule florifero glaberrimo e fusco roseo viridique vario subtilissime striato, foliis caulinis remotis alternis, corymbo multifloro laxo, racemis bracteatis cum pedicellis calycem aequantibus glanduloso-puberulis, floribus 6-meris secundis, calyce subconico nitidissimo vitrino viridi saepe rubro-maculato profunde partito, laciniis summa parte hyalino-albidis apice subreflexis interdum lineis duabus rubris notatis, petalis anguste linearibus acutis calyce plus duplo longioribus albidis eleganter roseo multistriatis (ita ut primo intuitu carnea videntur) apice recurvis cum calyce glanduloso puberulis, staminibus calycem, ovariiis staminibus, petalis ovaria excedentibus, filamentis puberulis albidis, antheris luteis, squamis nectariferis quadratis latis brevibus utrinque subdenticulatis, ovariiis ex toto separatis hyalino-nitidis viridibus viscosis apice incurvo albidis calyce duplo longioribus, carpellis ovato-lanceolatis leviter papillosis intus rectis erectis.

HAB. gregarie in Gomeræ rupibus apricis: copiosissime inde a media valle Barranco de la Villa s. de S. Sebastian per totam partem superiorem convallium illarum. Nil copiosius in Barranco de la Laja et circa la Hacienda de